

佛说除一切疾病陀罗尼经一卷

宋元入藏诸大小乘经

佛说除一切疾病陀罗尼经一卷

唐三藏沙门大广智不空译

佛说除一切疾病陀罗尼经

如是我闻。一时薄伽梵。住室罗伐城逝多林给孤长者园。与大苾刍众千二百五十人俱。众多诸大菩萨摩訶萨。尔时世尊告阿难陀言。阿难陀有陀罗尼。能除世间一切疾病。汝当受持读诵通利如理作意。即说密言曰。

怛徧也(二合)他(一)尾摩黎尾摩黎(二)嚩曩俱枳黎(三)室唎(二合)末底(丁以反四)军拏黎(五)嫩奴鼻(六)印捺啰(二合)儼[寧頁](二合七)母隶娑嚩(二合)诃。

佛告阿难陀。此陀罗尼若诵持者。宿食不消霍乱风黄痰癢。患痔痿淋上气。嗽虐寒热头痛半痛。着鬼魅者悉得除差。我以佛眼观见彼人。诸天魔梵沙门婆罗门能作障难。除非决定业报尽者。余无能违越作其障难。如来应供正遍知说。一切有情中如来为尊胜。一切法中离欲法尊。一切众中僧伽为尊。以此诚实言愿我及一切有情。食饮吃啖入腹消化得正安乐。娑嚩(二合引)诃(引)

尔时世尊说是经已。诸苾刍僧并诸菩萨摩訶萨。一切大众天龙八部。受持佛语欢喜奉行。